

## DE SOMNO VENEREO QVEM GRAECI

onirogonon appellant.

CAP: VII.



Er somnos inanibus uisis affecti ægrotantes seminis lapsu uexantur. Nomen autem sumpsit ab accidenti: siquidem effectū uenericum prouocando perficiat. Sed generaliter neq; illico passio est, neq; accidens passionis, quod Græci symptoma uocant, sed est consequens uisis, quam Græci phantasia uocauerunt, per somnum ægrotantes afficiens, ob desiderium uenericæ uoluptatis, uel iugem atq; continuā libidinē, siue è contrario longam usus dilationē uel continentia. Sed hoc frequentius accidens in passionē sæpe deueniet. Itemq; alterius passionis aliquando antecedens fiet, ut epilepsia, furoris, quā Græci maniam uocant, aut cuiusquā similis morbi: quoniā uexationē ostendere probatur, atq; pramoueri corpus, siue pratangi accessione uentura. Itē aliquando antecedens causa supradictæ passionis, quā seminis appellamus lapsum, fuisse probat, à qua discernitur: siquidem illa passio etiam per diem uigilantibus ægris fluere faciat semen, nulla phantasia in usum uenericum prouocante. Somnus autē uenericus eo solo tempore quo dormiunt ægrotantes inanibus uisis concubitū fingat. Aliqui etiam aiunt oniropolefin ab onirogono discerni: siquidem oniropolefis illa sit quæ per somnum cōcubitum fingat, cum operantium sensu, sed sine seminis iactu. Onirogonos uero usq; ad defectum deducit seminis lapsum. Sed Milesius nihil inquit supradicta differre: unum est enim, atq; eundem fluorem dicit esse seminalium uisum. Sed quod inquit nunc exclusio perficitur seminis, nunc impeditur, quamquam uisa per somnum eadem fingantur, ob alias inquit irruentes fieri causas, sed non est plurima discretio, nisi intentio adhibenda: quippe cum neq; necessaria comprobetur. Eos igitur qui ratione futuræ accessionis epilepsia, uel furoris, aut cuiusquam alterius morbi commouetur, ex hijs quæ suis sunt passionibus tribuenda mitigamus: Eos uero qui specialiter hoc uitio afficiuntur, tanquam parua gonorrhœa affectos curamus: Supradictorum enim augmentum in istam cadere passionem facit ægrotantes fluentium seminalium uisum, uel paralyti uisum uisum. Quapropter conuenit primo ægrotati ab intentione uenericæ uisa mentis auertere, quæ Græci phantasmata uocauerunt, atq; aliorum applicare intentionibus externis admotis: siquidem facile quæ uigilantes accipiunt somnorum uisa ad actiua cum hijs motibus exerceant ægrotantes, & propterea corpus seminis discussione uexetur. Rum stramentaduriora atq; frigerantia procuranda. Iubendi etiam supra latus iacere, cum se somno dederint, & ante se uel supponenda tenuis ac producta lamina plumbea clunibus, uel spongia circumdanda pusca frigida infusa, uel injiciendo loca rebus frigida uirtutis ex anterioribus, ut balauitio uel acacia, aut hypocystide, uel psyllio herba, quæ sunt singularia, uel cum palmulis adhibenda. Cibus etiam constrictiuus dandus, uel densabilis & frigidus, ut de sanguinis fluore conscriptissimus. Poto quoq; frigido nutriendi, uel constrictiuus, non quidem curiose cōfectis constringendi. Tum adhibenda fortificatio ex communi resumptione, & facienda consuetudo frigidi lauacri, quod Græci psichrolusian appellant. Loca etiam in passione constituta forti impressione fricanda: Sunt enim hæc sufficientia constrictionis faciunda. Aliqui uero conuenire dixerunt etiam micus dilationem tendere, ne frequenti officio causa refricetur. Sed completa uesica se somno ægrotantes dare, quo neq; in altum somnum uenire sinantur, & intercessu frequenti excitentur, quo uisa uenericæ uoluptatis, quæ somno finguntur, amittant.

